

BESTILLINGSDOKUMENT OVERORDNA ANALYSE SOM GRUNNLAG FOR PLAN FOR SELSKAPSKONTROLL 2016 - 2020

TIL: SF revisjon IKS

FRÅ: Sogn og Fjordane Fylkeskommune

Bakgrunn

Forskrift om kontrollutval i kommunar og fylkeskommunar står det følgjande om plan for selskapskontroll og den overordna analysen:

Kontrollutvalget skal minst én gang i valgperioden og senest innen utgangen av året etter at kommunestyret eller fylkestinget er konstituert, utarbeide en plan for gjennomføring av selskapskontroll. Planen skal baseres på en overordnet analyse av kommunens eller fylkeskommunens eierskap ut fra risiko- og vesentlighetsvurderinger, med sikte på å identifisere behovet for selskapskontroll på de ulike sektor og med de ulike selskapene. Planen skal vedtas av kommunestyret eller fylkestinget selv som kan delegerer til kontrollutvalget å foreta endringer i planperioden

Kontrollutvalget avgjør selv hvem som på dets vegne skal gjennomføre selskapskontroll.

Plan for selskapskontroll skal altså i følge forskrifta vere vedteken av fylkestinget innan utgangen av 2016. Planen skal vere basert på ei overordna analyse.

Formål

Kravet om overordna analyse kom med i endringa av forskrift om kontrollutval i 2012, som vart iverksett 1. januar 2013. Grunngevinga for at plan for selskapskontroll skal basert på ei overordna analyse var å sikre at planen bygger på eit fagleg grunnlag, slik som plan for forvaltningsrevisjon.

Formålet med ein overordna analyse er å gje kontrollutvalet eit grunnlag for å utarbeide plan for selskapskontroll, og skal vere ein analyse av fylkeskommunen sitt eigarskap ut frå risiko- og vesentlegvurderingar.

Det er ingen konkrete lovkrav til korleis den overordna analysen skal utarbeidast, utover det at den skal vere basert på risiko- og vesentlegvurderingar.

Sekretariatet har sett i gang samtaler med SF revisjon IKS for oppstart med arbeidet av analysen. Samtalane har resultert i semje mellom revisor og sekretariat om at revisor utarbeider overordna analyse og at sekretariatet vert ansvarleg for utarbeiding av dokumentet Plan for forvaltningsrevisjon. Under utarbeiding av plan for selskapskontroll i 2012 vart det også utarbeidd overordna analyse. Den gang var Deloitte ansvarleg for utarbeidinga. Tidsbruken vert no overført til SF revisjon og vil vere ein del av oppdraget til selskapet.

Bestilling:

1. Kontrollutvalet bestiller overordna analyse av eigarskapen til fylkeskommunen jfr. over.
2. Kontrollutvalet ynskjer analysen ferdig innan utgangen av juni 2016, slik at den kan handsamast på møte i utvalet i august.

Omfang av prosjektet

Kontrollutvalet ynskjer ein prosjektplan der vurdering av tidsbruk/økonomi er med.

Analysen må vere ferdig i løpet av juni 2016 slik at den kan presenterast i kontrollutvalsmøte i august.

Leikanger 24. november 2015

Frank Willy Djuvik
Leiar i kontrollutvalet